

V C  
2935



h@



# Über dem seligen Abschied

des Durchlauchtigsten / Hochgebornen Fürsten  
vnd Herren / Herren Augusti / Herzogen zu Sachsen / des  
heiligen Römischen Reichs Erzmarschalln vnd Churfürsten / Land-  
graffen in Düringen / Marggraffen zu Meissen / vnd Burggraffen  
zu Magdeburg / vnseres gnedigsten Herrn. Der allmechtige  
Gott verleihe ihrer Churf. Gn. seligen / am tage des Ges-  
richts Gottes / mit allen Heiligen in Christo / durch  
seinen allmechtigen Geist / eine frö-  
liche auferstehung.

Zu Ehren / dem Hochgebornen Fürsten vnd Her-  
ren / Herren Christiano / Churfürsten / Sampt dem gansen  
hochlöblichen Hause zu Sachsen / etc. vnd derselbigen Fürstlichen  
befeundten / mituerwandten vnd zugethanen / auch  
solcher Churf. Gn. Landen / zu sonderm Trost /  
Lehr vnd wolgefallen.

Durch

Hieronymum Kitzkaß Lipsensem,  
Philosophum Christianum.



Apocalyp. 14.

Beati mortui qui in domino moriuntur amodo.

Cum Gratia & Priuilegio.

---

M. D. LXXXVI.

EPISCOPALIS

Faint, illegible text, likely bleed-through from the reverse side of the page.

**BIBLIOTHECA  
PUNICKAVIANA**

**UNIVERSITÄTS-BIBLIOTHEK  
HALLE  
(SAALE)**

M D C C C X V I



**A** Gh Gott wie seind all menschliche ding/  
So schwach/ gebrechlich/ vnd gering.  
Von Adam an/ schnell nach dem Fall/  
Mit Pein vnd Todt vmbgeben all.  
In Noth vnd Elend/ wie hoch geschwebt/  
Viel heiliger Väter haben gelebt.  
Viel weiser König vnd Fürsten gut/  
Viel streitbarer Helden wolgemuth/  
Kein weißheit/ gewalt/ tugent/ kunst/ verstand/  
Zemals ist entrunnen des Todes bandt.  
Drumb lieben Christen seid gerüst/  
Weil vns die stund nicht ist bewust.

**A** Iso auch Gott durch sein gewalt/  
Zu sich genommen schnell vnd bald/  
Den Elfften Februarij zu Nacht/  
Vmb sechs Uhr/ ganz wol betracht/  
Als man schrieb Tausent/ fünffhundert Jahr/  
Achtzig vnd sechs die Jarzahl war/  
Den Churfürsten zu Sachsen Tugentreich/  
Wer ist diesem Augusto gleich/  
Als er gewest/ im leben sein/  
Ehe ihn ergriff des Todes peyn.  
Ein Held von Herzen vnd Person/  
Mit Weißheit/ Demuth gezieret schon.  
Welchs sind zwo Edele Gaben gleich/  
Dardurch erhalten manch Königreich/

A ij

Für

Für aller Tyrannen / Mordt vnd gewalt /  
Für list vnd verstorung mannichfalt.  
Damit dieser Helt auch war geziert /  
Darumb hat regiere / wie es ihm gebürt.  
Allzeit hat er gefürchtet Gott /  
Geliebt sein Wort / vnd sein Gebot /  
Das beschützet vnd erhalten rein /  
Bis an das letzte stündlein sein.  
Darbey erhalten / alle Leut im Land /  
Allen Ketzereyen thet widerstand.  
Kein Geldt / kein Gut / kein Kynse so schwer /  
Ihm jemals zu viel gewesen wer /  
Zu streiten für das Göttliche Wort /  
Dardurch gewehrt gar manchen Mordt.

**W**ie viel Tugenden er war geziert /  
Wie ein Regenten solchs gebürt.  
Weisheit / all Künste er hat geliebt /  
Darin sich teglich mit fleis geübt /  
Daran kein Geldt nie hat gespart.  
Jederman geehrt nach der Weisheit art /  
In hohen vnd in niedern Stand /  
Einsassen / vnd frembde im Land /  
Er liebte fried vnd gerechtigkeit /  
Straffe hart all sünde vnd bößheit.  
Das Reich mit Rath in einigkeit /  
Regiert / gewehrt manchen schweren streit.

Seine

Seine Feind geschlagen all mit verstandt/  
Dardurch viel vbelts offit abgewandt.  
Ob er gleich gehabt gros gewalt vnd Geldt/  
Munition, vnd Volck genug ins Feldt/  
Seine Feind zu schlagen mit Heres krafft/  
Hat er doch allzeit abgeschafft/  
Alle vneinigkeitt im Römischen Reich/  
Darin ihm wenig sind worden gleich/  
Als der fromme Keyser Maximilian/  
Von Osterreich so lobesam.

**D** Römisch Reich dis wol betracht/  
Sein Regiment halt in guter acht.  
Siehe wol an diesen tewren Helt/  
Den billich geehrt die ganze Welt/  
Darzu gefürcht/ Ob viel geschwindt/  
Ihm spinnenfeind gewesen sind/  
So haben doch geliebt/ vnd gefürcht all Land/  
Seine ehre/ macht/ weisheit vnd verstand.  
Er war ein rechter Friedensfürst/  
Den allzeit nach Ehren gedürst.

**D**iesen hochlöblichen vnd tewren Held/  
Gott hat genommen von der Welt/  
Das Irdisch Reich verlassen hat/  
Ist getreten in die geistliche Stadt/

Sein Seel vnd Geist / zu Gott geschwind/  
Vom Irdischen Leibe geschieden sind/  
Ins Paradies / in freud vnd rhu/  
Erwartent / bis da kompt herzu/  
Der Tag des HErrn mit gewalt/  
Da sich wird schnell verkehren bald/  
Sein Irdischer Leib in Geistlichkeit/  
Herrlich von Gott der Seelen bereit/  
Indem zu leben ewiglich/  
Seel vnd Geist für Gott sichtiglich/  
Beneben andern seligen gleich/  
Ererben wird das Himmelreich.

Durch Gottes Geist wird transmutirt,  
Das irrdisch ins geistlich / wie sichs gebürt/  
Darzu Gott aus lieb vnd barmherzigkeit/  
Vns hat ein ewige Tinctur bereit/  
Durch das heilige Blut Jesu Christ/  
Der vnser Trost vnd Heyland ist/  
Der vns hat erlöst vom ewigen Todt/  
Sich selbest vnterworffen Gott.  
Zu Gottes Ehr vnd Herrlichkeit/  
Vnd zu der aufferwehlten Freud.

Demnach es kleglich ist zu sehen/  
Was in geringer zeit geschehen.  
Wie verloren diese Landt zugleich/  
Zwo hohe Personen / so Tugendreich.

Gott



**G** O T T tröste vns zugleich in allen/  
Nach seinem Göttlichen wolgefallen.  
Zu förderst vnsern gnedigsten Herren/  
Mit seinem Geist er woll Regieren/  
Ihre Ghurf. Gn. gnedigst erhalten/  
Mit seinem Geist vber sie walten.  
Irer gnaden Gemahl vnd Junge Herrschafft/  
Beschützen durch seine Göttliche krafft.

**G** O T T woll ihm auch lassen beuohlen sein/  
Das Eugentsame Gottfürchtige Frewlein/  
Fraw Agnes Hedwig aufferkorn/  
Ghurfürstin zu Sachsen/von Anhalt geborn.  
Gott wolle sie trösten mit seinem Geist/  
Der allen betrübtten sein beystand leist.  
Weil Ihre Gnaden so schnell verlorn/  
Ihren liebsten Herrn so Hochgeborn.

**G** O T T woll auch trösten mannichfalt/  
Das hochlöbliche Haus Sachsen/vn Anhalt/  
Brandenburg/Pfaltz/vn Braunschweig zugleich/  
Dennemarck das Edle Königreich/  
Hessen/Meckelburg/vnd Hollstein/  
Vnd alle / so in liebe verwandt sein/  
Dem Hause zu Sachsen hochlöblich /  
Welchs Gott woll erhalten gnediglich.

A iiii      Gott

Gott tröst den geistlichen vnd weltlichen Stand/  
Vnd alle die so gelicbet hand/  
Den seligen Churfürsten hochgeborn/  
Zu förderst hochlöblich aufferkorn/  
Rudolphum den Keyser Tugendreich/  
Der geliebt den frommen Herren gleich/  
Ihre Mayestadt hochlöblich vnd fromb/  
Darzu das Reich vnd Keyserthumb.  
Auch zugleich Chur vnd Fürsten all/  
Die Christlichen Könige allzumal/  
Alle Brauen / Ritter / Edel vnd frumb/  
Den hochlöblichen Adel vmb vnd vmb.  
All weise Râth / vnd Ritterschafft/  
All getrewe Stend / vnd Bürgerschafft/  
Alle Amptleute am Hoff vnd im Land/  
So allenthalben mit dienst verwandt/  
Ihrer Churfürstlichen Gnaden zu jederzeit/  
Aus pflicht vnd gehorsam sind bereit/  
Alles Volck im Land / Batoren vnd Knecht/  
Vnd alle die Christum bekennen recht.

**B**ist vns abstehn von schand vnd sünd/  
Eylt schnell / vnd besleiszt euch geschwind/  
Das ihr lebt im Geist new geborn/  
Darzu euch Gott in Christo erkorn.  
Aus liebe ewern Glauben im Geist thut stercken/  
Wandelt in allen guten Wercken.

Nicht

Nicht zum verdienst / zum gehorsam Gott/  
Der euch darzu erschaffen hat/  
Durch seinen Geist recht new geboren/  
Damit keiner nicht werd verlorn.  
Schuldig seind wir zu dienen Gott/  
Vnd zu halten fest seine Gebot.  
Ein Leib in Christo / ein gemein auff Erd/  
In liebe zu dienen / nicht müde werd.  
So wir anders wollen gehorsam leben/  
Gott im Geist / so wisset darneben/  
Das wir / wie vns Gott hat befohlen/  
Nach dem Geist auch wandeln sollen.  
Bekommen haben wir kein knechtlichen Geist/  
Den Geist aus Gott / wie sichs erweist/  
Haben wir empfangen nach Göttlichem rath/  
In vns / als seines Tempels stadt.  
Darumb Gott zu lieben vns gebürt/  
Wer anders glaubt / sich selbst versürt.  
Gott hat ein gros Werck fürgenommen/  
Thut buß / vnd last vns dem fürkommen/  
Erhebt im Geist ewere Herzen zu Gott/  
Dann es jekundt erfodert die noth.  
Ich rede allhier aus lauter vergunst/  
Solche abfordrung geschicht nicht omb sonst/  
Des frommen Churfürsten / ein jeder betracht/  
Was wir mit vnsern Sünden gemacht.

A v

Billich

**A**llich beweinen wir diesen Freund/  
Er hats ja gut mit vns gemeint.  
Thut aber nicht den Heyden gleich/  
So gewust von keinem andern Reich/  
Als von dem elenden Irdischen Leben/  
Ein ewiges Reich wird vns Gott geben/  
Das wir vns freuen von herzen grundt/  
Wenn an vns kömpt des Todes stundt.

**N**ach weynen vnd Trauren allzugleich/  
Freud euch des Sähmens Tugendreich.  
Ein jede Frucht ihres gleichen gebiert/  
Trauren in Freud sich transmutirt.  
Weil vns Gott ein solchen Heldt gelassen/  
Seinem Herren Vater gleich aller massen  
Gezieret mit Weißheit vnd Verstandt/  
Wie jederman im Reich bekandt.  
Ihrer Ghurf. Gn. Phision,  
Zeigt an ihr Gemüth vnd Person/  
Er hat eins rechten Helden muth/  
Als allzeit Sachsen das Fürstliche Blut/  
Von anfang hat solche Helden geborn/  
In Schimpff vnd Ernst ausserkorn.  
Mit Weißheit vnd Verstand geziert/  
Also Gott das Haus Sachsen geehrt.  
Dafür danckt Gott zu aller stundt/  
Bittent sein Allmacht von herzen grundt/  
Das

Das er durch seine Väterliche güt/  
Uns diesen teuren Schatz behüt/  
Christianum von Sachsen / Jugendreich/  
Von Chur vnd Königlichem Stam̄ zu gleich.  
Geboren von Christlichem Stam̄/  
Der allzeit gewesen lobesam.  
Gott wöll nun ihn durch seine gnad/  
Regieren / erhalten früe vnd spat/  
Das Ihre Churf. Gn. im Reich/  
In allem mögen werden gleich/  
Ihrem Herren Vater / Augusto lobesam/  
Christiano dem König in Dennemarck from̄/  
Welche beyde in rechter furcht Gottes gelebt/  
Nach Ehren vnd Tugendt allzeit gestrebt.

**I**ch wünsche hiermit zu aller stundt/  
Nach leid / mit freud / von herzen grundt/  
Christiano zu Sachsen in blüender Jugendt/  
Von Gott Weißheit vnd alle Tugendt/  
Viel glück vnd heyl zum Regiment/  
Im Anfang / Mittel / vnd im Endt.  
Gott wolle durch sein Barmherzigkeit/  
Ihre Churf. Gn. zu jederzeit/  
Gnedigst erhalten im fried vnd rhu /  
Vnd ihre hochlöbliche Geblüet darzu.  
Ihr ganzes Landt vnd Herrschafften gleich/  
Darzu das heilige Römisch Reich.

Ehre

**E**hre sey allein dem Göttlichen Rath/  
Der alles schafft in Werck vnd That.  
Ehre sey einen in drifacher Person /  
Dem einigen Gott im höchsten Thron.  
Gott/ Mensch vnd Geist/ recht hoch gepreist/  
Gott Vater / Sohn / vnd heiliger Geist/  
A M E N.

Laus DEO, pax viuus, requies aeterna sepultis.

FACTUM nouum Dresden, 1586.  
13. Februarij, stylo veteri.



Dresden/  
Gedruckt durch Matthes Stöckel.


HC

(X2205747)









Vc  
2935

GRAMMA

seligen Abschied

1 / Hochgebornen Fürsten  
 usi / Herkogen zu Sachsen / des  
 zmarschalln vnd Churfürsten / Lande  
 raffen zu Meissen / vnd Burggraffen  
 edigsten Herrn. Der allmechtige  
 f. Gn. seligen / am tage des Ges  
 n Heiligen in Christo / durch  
 igen Geist / eine frö  
 ferstehung.

gebornen Fürsten vnd Her  
 churfürsten / Sampf dem ganzen  
 sen / etc. vnd derselbigen Fürstlichen  
 ndten vnd zugethanen / auch  
 anden / zu sonderm Trost /  
 d wolgefallen.

Durch  
 Rikfak Lipsensem,  
 m Christianum.



lyp. 14.  
 omino moriuntur amodo.  
 & Priuilegio.

LXXXVI.

